

სატენდერო დოკუმენტაცია	2
სს „საქართველოს სახელმწიფო ელექტროსისტემის“ რეაქტორების გადაზიდვის მომსახურების შესყიდვა ელექტრონული ტენდერის საშუალებით.....	2
1. საკვალიფიკაციო მოთხოვნები:.....	2
2. მომსახურების გაწევის ვადა და ადგილი.	3
3. გასაწევი მომსახურების ტექნიკური პირობა:	4
4. სახელმწიფო შესყიდვის შესახებ ხელშეკრულების პროექტი #----.....	10
5. ფასთა ცხრილი	26
6. სატენდერო დოკუმენტაციის შესახებ დამატებითი ინფორმაცია:	27
7.საკონტაქტო ინფორმაცია	27

სატენდერო დოკუმენტაცია

სს „საქართველოს სახელმწიფო ელექტროსისტემის“ რეაქტორების გადაზიდვის მომსახურების შესყიდვა ელექტრონული ტენდერის საშუალებით.

1. საკვალიფიკაციო მოთხოვნები:

1.1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1.1 კერძო სამართლის იურიდიული პირისა და ინდ. მეწარმეებისთვის:

ა) ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან;

ბ) ცნობა საჯარო-სამართლებრივი შეზღუდვის არსებობის შესახებ (საჯარო რეესტრის ეროვნული სააგენტოდან).

1.1.2 საჯარო სამართლის იურიდიული პირისთვის - ცნობა საჯარო-სამართლებრივი შეზღუდვის არსებობის შესახებ (საჯარო რეესტრის ეროვნული სააგენტოდან).

1.1.3 ფიზიკური პირებისთვის - ცნობა საჯარო-სამართლებრივი შეზღუდვის არსებობის შესახებ (საჯარო რეესტრის ეროვნული სააგენტოდან).

1.2. პრეტენდენტის მიერ (გარდა არარეზიდენტი პრეტენდენტისა) სატენდერო დოკუმენტაციის 1.1 ქვეპუნქტით განსაზღვრული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს ელექტრონულ ტენდერში წინადადებების მიღების ეტაპის დაწყების შემდეგ.

არარეზიდენტი პრეტენდენტის შემთხვევაში, მან უნდა წარმოადგინოს თავისი ქვეყნის შესაბამისი უფლებამოსილი ორგანოების მიერ გაცემული, 1.1 პუნქტის შესატყვისი საკვალიფიკაციო მონაცემების დამადასტურებელი დოკუმენტები, ქართულ ენაზე ნოტარიულად დამოწმებულ თარგმანთან ერთად. ამასთან, ასეთ შემთხვევაში, საკვალიფიკაციო დოკუმენტები გაცემული უნდა იყოს ელექტრონულ ტენდერში წინადადების მიღების ეტაპის დაწყებამდე არაუგვიანეს 30 დღისა.

1.3. ამ პუნქტის 1.2 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები წარმოდგენილი უნდა იქნეს „შემსყიდველი“ ორგანიზაციის მიერ მოთხოვნილ ვადაში, რომელიც არ უნდა აღემატებოდეს 5 (ხუთი) სამუშაო დღეს.

1.4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების (ასლების) წარმოდგენა „შემსყიდველ“ ორგანიზაციაში ხორციელდება სისტემის მეშვეობით. „შემსყიდველ“ ორგანიზაციას უფლება აქვს მოსთხოვოს „პრეტენდენტს“ საკვალიფიკაციო მონაცემების დამადასტურებელი დოკუმენტების წარმოდგენა საქართველოს კანონმდებლობით დადგენილი ფორმით ხელშეკრულების ხელმოწერის მომენტისთვის.

შენიშვნა: პრეტენდენტს არ უნდა გააჩნდეს ქონებაზე საჯარო-სამართლებრივი შეზღუდვა

2. მომსახურების გაწევის ვადა და ადგილი.

2.1 მომსახურების გაწევის ვადა:

„მიმწოდებელმა“ რეაქტორების გადაზიდვა-გადატანის მომსახურება უნდა განახორციელოს 2017 წლის 01 მაისიდან 2017 წლის 31 სექტემბრის ჩათვლით პერიოდში 3 ეტაპად შემსყიდველის წერილობითი მოთხოვნის შესაბამისად, ეტაპები განისაზღვრება შემდეგნაირად:

პირველი ეტაპი:

- შემსყიდველის წერილობითი მოთხოვნის მიღებიდან არაუმეტეს 10 (ათი) სამუშაო დღის განმავლობაში მიმწოდებელმა უნდა წარმოდგინოს რეაქტორების დაზღვევის საგარანტიო პოლისი (ორიგინალი) და ობიექტზე დაშვების უფლების მისაღებად იმ პირთა სია, რომლებიც განახორციელებენ რეაქტორების გადაზიდვა-გადატანის მომსახურებას. შემსყიდველი ვალდებულია ობიექტზე დაშვება უზრუნველყოს საგარანტიო პოლისში მითითებული გადაზიდვის მომსახურების დაწყების დღიდანვე.
- „მიმწოდებელმა რეაქტორების გადაზიდვა-გადატანის მომსახურება უნდა გაწიოს ობიექტზე დაშვებიდან არაუმეტეს 10 (ათი) კალენდარული დღის განმავლობაში.
- მითითებულ ვადაში დაზღვევის საგარანტიო პოლისის (ორიგინალი) და ობიექტზე დასაშვებ პირთა სიის წარმოდგენლობის შემთხვევაში გასაწევი მომსახურების ვადა აითვლება აღნიშნული დოკუმენტების წარმოდგენისათვის განსაზღვრული ვადის მომდევნო დღიდან.

მეორე ეტაპი:

- რეაქტორების გადაზიდვა-გადატანის მომსახურების გაწევის ვადაა შემსყიდველის წერილობითი მოთხოვნის მიღებიდან და ობიექტზე დაშვებიდან არაუმეტეს 5 (ხუთი) კალენდარული დღე. „მიმწოდებელი“ ვალდებულია წერილობით მიმართოს „შემსყიდველს“ ობიექტზე დაშვების უფლების მისაღებად შემსყიდველის წერილობითი მოთხოვნის მიღებიდან არაუმეტეს 5 (ხუთი) სამუშაო დღის განმავლობაში.

მესამე ეტაპი:

- რეაქტორების გადაზიდვა-გადატანის მომსახურების გაწევის ვადაა შემსყიდველის წერილობითი მოთხოვნის მიღებიდან და ობიექტზე დაშვებიდან არაუმეტეს 3 (სამი) კალენდარული დღე. „მიმწოდებელი“ ვალდებულია წერილობით მიმართოს „შემსყიდველს“ ობიექტზე დაშვების უფლების მისაღებად შემსყიდველის წერილობითი მოთხოვნის მიღებიდან არაუმეტეს 5 (ხუთი) სამუშაო დღის განმავლობაში.

შენიშვნა:

ობიექტზე დაშვების პროცედურები გაწერილია სატენდერო დოკუმენტაციის მე-4 მუხლის (ხელშეკრულების პროექტი შესყიდვის შესახებ#) და დანართი #3-ში (მომსახურების უსაფრთხოდ გაწევის წესი და პირობები).

2.2 მომსახურების გაწევის ადგილი (მისამართები):

- ქალაქი გარდაბანი, აღმაშენებლის ქუჩა #2 ქ/ს „გარდაბანი 500“.
- თერჯოლის რაიონი, სოფელი ღვანკითი ქ/ს „ზესტაფონი 500“.

2.3 პრეტენდენტმა უნდა წარმოადგინოს თანხმობა მომსახურების გაწევის ვადის შესახებ.

3. გასაწევი მომსახურების ტექნიკური პირობა და მოთხოვნები:

3.1 გასაწევი მომსახურების ტექნიკური პირობა:

მომსახურების გაწევა მოხდება სამ ეტაპად:

- პირველი ეტაპი: ქ/ს „ზესტაფონი 500“-ში 3 ცალი 500კვ. რეაქტორის და მათი მაკომპლექტებელი ნაწილების დატვირთვა სპეციალურ ტექნიკაზე ტრანსპორტირება (გადატანა) და გადმოტვირთვა დალაგება ქ/ს „გარდაბანი 500“-ის ტერიტორიაზე.
- მეორე ეტაპი: ქ/ს „გარდაბანი-500“-ში არსებული 5 ცალი რეაქტორის დატვირთვა სპეციალურ ტექნიკაზე გატანა უჯრედიდან და გადმოტვირთვა, დალაგება ამავე ქვესადგურის ტერიტორიაზე.
- მესამე ეტაპი: ქ/ს „გარდაბანი 500“-ის ტერიტორიაზე 3 ცალი 500კვ. რეაქტორის დატვირთვა სპეციალურ ტექნიკაზე გადატანა და გადმოტვირთვა დადგმა რელსებზე რეაქტორების უჯრედში ამავე ქვესადგურის ტერიტორიაზე.

I ეტაპი

ქ/ს „ზესტაფონი 500“-დან რეაქტორების ტრანსპორტირება ქ/ს „გარდაბანი 500“-ში

მაშუნიტირებელი რეაქტორები - ტიპი LSAL 7858, სერიული ნომრები: 408494, 408495, 408496.

1.1 ქ/ს „ზესტაფონი 500“-ში რეაქტორების დატვირთვა ლაფეტზე

- სამივე რეაქტორი გორგოლაჭებით დგას რელსებზე და მომზადებულია ტრანსპორტირებისათვის. რეაქტორში ზეთი ასხია სახურავიდან 10-15სმ დაბლა. მისი მონაცემებია: სიგრძე-4,20მ, სიგანე-3,05მ, სიმაღლე 3,95მ, წონა ზეთიანად-48 ტონა. იხილეთ თანდართული ნახაზი №1.
- აუცილებელია პრეტენდენტმა თავიდანვე ადგილზე შეისწავლოს რეაქტორის თავისებურებანი, გაითვალისწინოს, რომ იგი ზეთით არის სავსე, გაეცნოს თანდართულ ნახაზს, სატაკელაჟო და ასაწევ ადგილებს. შეისწავლოს გორგოლაჭების მდგომარეობა, საჭიროების შემთხვევაში მოახდინოს მათი შეპოხვა.
- რეაქტორის დატვირთვა სამონტაჟო ადგილიდან გადამტან სატრანსპორტო საშუალებაზე (ლაფეტზე) შესაძლებელია განხორციელდეს შპალების ბადის, დომკრატების და რელსებზე გაცურების, ავტოამწის ან სპეც. დომკრატების საშუალებით. ამ დროს აუცილებელია გაწევა და აწევა განხორციელდეს ნახაზზე მითითებული ადგილებიდან.
- რელსებზე გაგორება, თავისივე გორგოლაჭებზე, უნდა მოხდეს მდორედ, ბიძგების გარეშე, სპეც. ჯალამბარის საშუალებით. გაგორება უნდა მოხდეს არა უმეტეს 8 მ/წთ. სიჩქარით. გაგორების დროს დამკრის ძალა უნდა იყოს 1კნ. ხოლო გაგორების ძალა 0,6 კნ. ყოველ 1ტ. რეაქტორის მასაზე. ამ დროს აუცილებელია გაწევის ძალა ემთხვეოდეს გადაადგილების მიმართულებას.
- რეაქტორის დომკრატებით აწევის დროს დომკრატები უნდა დაუყენდეს მხოლოდ ნახაზით განსაზღვრულ ადგილებში. დაუშვებელია მათი დაყენება სხვა ადგილებში. აწევა და დაწევა უნდა მოხდეს რიგრიგობით ჯერ ერთი მხარის, მერე მეორე მხარის. ამ დროს რეაქტორის დახრა არ უნდა აღემატებოდეს 3%, აკრძალულია რეაქტორის აწევა ერთდროულად ოთხივე მხრიდან.

ელექტრონული ტენდერი სს „სსე“-ს რეაქტორების გადაზიდვის მომსახურების შესყიდვაზე.

- რეაქტორის ლაფეტზე დადება უნდა განხორციელდეს ნახაზზე მოცემული ინსტრუქციების მიხედვით, რათა თავიდან იქნას აცილებული რომელიმე კვანძის დაზიანება რეაქტორის ქვედა ნაწილზე.

1.2 რეაქტორის და მისი მაკომპლექტებელი ნაწილების ტრანსპორტირება

- რეაქტორის გადატანამდე უნდა მოხდეს წინასწარ ტრანსპორტირების გეგმის შემუშავება, მარშრუტის განსაზღვრა, შესაბამის ორგანოებთან შეთანხმება. ტრასის შესწავლა, გზაზე რაიმე დიდი ღრმულების არსებობის შემთხვევაში მისი ამოვსება. შესწავლილ იქნას ყველა გვირაბის, ხიდის, საჰაერო და ელ გადამცემი ხაზის, გაზსადენის და სხვა სიმაღლეები, ხიდების დასაშვები წონები.
- ტრანსპორტირება უნდა მოხდეს შესაბამისი ტვირთამწეობის და გაბარიტის ლაფეტის და სათანადო სიმძლავრის და სიჩქარის გამწევი ავტომანქანის საშუალებით. ავტომანქანის დაძვრა უნდა მოხდეს მდორედ, ბიძგების გარეშე, დამუხრუჭება არ უნდა მოხდეს მკვეთრად. ტრანსპორტირების დროს სიჩქარე არ უნდა აღემატებოდეს 25-30კმ/სთ-ში.
- მაკომპლექტებელი ნაწილები- 13ც. რადიატორი, 1ც. გამაფართოებელი, 1ც. 500კვ. შემყვანი, 1ც. დენის ტრანსფორმატორის კარკასი, 2ც. გამაფართოებლის საყრდენი, 4ც. გორგოლაჭი, სხვადასხვა დიამეტრის ლთონის მოკლე მილები, დასამატებელი ზეთი 2-3 ტონა, არც ერთი არ არის არაგაბარიტული და შესაძლებელია გადატანილი იქნას შესაბამისი ზომის მისაბმელიანი სატრანსპორტო საშუალებებით.
- მაკომპლექტებელი ნაწილების გადატანის დროს, განსაკუთრებული სიფრთხილით უნდა იქნას გადატანილი ფაიფურის იზოლაციური 500კვ. შემყვანი.

1.3 რეაქტორების ქ/ს „გარდაბანი-500“-ში დადგმა.

- ქ/ს „ზესტაფონი-500“-დან გადმოტანილი რეაქტორები და მაკომპლექტებელი ნაწილები დროებით დალაგდება ქ/ს „გარდაბანი-500“-ის ტერიტორიაზე, სსე-ს წარმომადგენლის მიერ მითითებულ ადგილზე, ბეტონის ან ხის შპალებზე.

1.4 მიმწოდებლის ვალდებულებები:

- მიმწოდებელი კისულობს ვალდებულებას და იღებს პასუხისმგებლობას უსაფრთხოდ მოახდინოს რეაქტორების დატვირთვა, ლაფეტზე დამაგრება, ტრანსპორტირება და დანიშნულების ადგილზე გადმოტვირთვა დადგმა.
- ამასთან „მიმწოდებელი“ უზრუნველყოფს ტრანსპორტირებისთვის საჭირო ყველა შეთანხმების ან/და დოკუმენტის მოპოვებას შესაბამისი უწყებებიდან.
- კომპანიას უნდა გააჩნდეს სპეციალიზირებული ტექნიკა, სატაკელაჟო მოწყობილობა, საჭირო რაოდენობის შპალები და ხის მასალა, ჰყავდეს კვალიფიციური სპეციალისტები.
- „შემსყიდველთან“ უნდა წარმოადგინოს და შეათანხმოს მომსახურების გაწევის გეგმა.
- „მიმწოდებელმა“ უნდა უზრუნველყოს გადასატანი ტვირთის დაზღვევა გასაწევი მომსახურების მთელ პერიოდზე.
- ერთი რეაქტორის საბაზრო ღირებულებაა -1 180 000 (ერთი მილიონ ას ოთხმოცი ათასი) ლარი (სულ სამივე რეაქტორის ღირებულება 3 540 000 ლარი). ამასთან დაზღვევის პოლისი (ორიგინალი) უნდა წარედგინოს სს „სსე“-ს.
- სადაზღვევო პერიოდი უნდა მოიცავდეს ვადას გადაზიდვის დაწყებიდან დასრულებამდე და იგი ძალაში უნდა იყოს გადაზიდვის მომსახურებისათვის საჭირო ვადაზე არანაკლებ 30 (ოცდაათი) კალენდარული დღით მეტი ვადით. სადაზღვევო პოლისის ბენეფიციარი უნდა იყოს სს „საქართველოს სახელმწიფო ელექტროსისტემა“.

II ეტაპი

ქ/ს „გარდაბანი-500“-ში არსებული 5 რეაქტორის გატანა უჯრედიდან და გადმოტვირთვა, დალაგება ქვესადგურის ტერიტორიაზე

რეაქტორის დატვირთვა ლაფეტზე

- ქ/ს „გარდაბანი-500“-ში 5 ცალი რეაქტორის დატვირთვა ლაფეტზე და გაატანა ქვესადგურისავე ტერიტორიაზე დაახლოებით 300მ. მანძილზე და გადმოტვირთვა ბეტონის შპალებზე.
- რეაქტორების მაკომპლექტებელი ნაწილების ტრანსპორტირება გაატანილ რეაქტორებთან და განთავსება მითითებულ ადგილზე.
- ხუთივე რეაქტორი მომზადებულია ტრანსპორტირებისათვის, სამი რეაქტორი გორგოლაჭებით დგას რელსებზე თავიანთ უჯრედებში, ხოლო 2 რეაქტორი გორგოლაჭებით დგას განივ რელსებზე. ზეთი ასხია სახურავიდან 10-15სმ. დაბლა. რეაქტორები დაკომპლექტებულია სამი რადიატორით. რეაქტორის ძირითადი ავზის მონაცემებია: დიამეტრი 3მ, სიმაღლე 3,95მ, წონა 56 ტონა. იხილეთ თანდართული ნახაზი №2
- აუცილებელია პრეტენდენტმა თავიდანვე ადგილზე შეისწავლოს რეაქტორების თავისებურებანი, გაითვალისწინოს, რომ ისინი ზეთით არის სავსე, გაეცნოს თანდართულ ნახაზებს ОБТ45900053, სატაკელაჟო და ასაწევ ადგილებს. შეისწავლოს გორგოლაჭების მდგომარეობა, საჭიროების შემთხვევაში მოახდინოს მათი შეპოხვა.
- რეაქტორების დატვირთვა სამონტაჟო ადგილიდან, გადამტან სატრანსპორტო საშუალებაზე (ლაფეტზე) შესაძლებელია განხორციელდეს შპალების ბადის, დომკრატების და რელსებზე გაცურების, ავტოამწის ან სპეც. დომკრატების საშუალებით. ამ დროს აუცილებელია გაწევა და აწევა განხორციელდეს ნახაზზე მითითებული ადგილებიდან.
- რელსებზე გაგორება, თავისივე გორგოლაჭებზე, უნდა მოხდეს მდორედ, ბიძგების გარეშე, სპეც.ჯალამბარის საშუალებით. გაგორება უნდა მოხდეს არა უმეტეს 8 მ/წთ. სიჩქარით. გაგორების დროს დამკრის ძალა უნდა იყოს 1კნ. ხოლო გაგორების ძალა 0,6 კნ. ყოველ 1ტ. რეაქტორის მასაზე. ამ დროს აუცილებელია გაწევის ძალა ემთხვეოდეს გადაადგილების მიმართულებას.
- რეაქტორის დომკრატებით აწევის დროს დომკრატები უნდა დაუყენდეს მხოლოდ ნახაზით განსაზღვრულ ადგილებში. დაუშვებელია მათი დაყენება სხვა ადგილებში.
- აწევა და დაწევა უნდა მოხდეს რიგრიგობით ჯერ ერთი მხარის, მერე მეორე მხარის. ამ დროს რეაქტორის დახრა არ უნდა აღემატებოდეს 3%, აკრძალულია რეაქტორის აწევა ერთდროულად ოთხივე მხრიდან.
- რეაქტორის ლაფეტზე დადება უნდა განხორციელდეს ნახაზზე მოცემული ინსტრუქციების მიხედვით, რათა თავიდან იქნას აცილებული რომელიმე კვანძის დაზიანება რეაქტორის ქვედა ნაწილზე.

რეაქტორების და მათი მაკომპლექტებელი ნაწილების ტრანსპორტირება

- რეაქტორების გაატანამდე უნდა მოხდეს მარშრუტის (დაახლოებით 300მ.) დათვალიერება. გზაზე რაიმე დიდი ღრმულების არსებობის შემთხვევაში მათი ამოვსება.
- ტრანსპორტირება უნდა მოხდეს შესაბამისი ტვირთამწეობის და გაბარიტის ლაფეტის, სათანადო სიმძლავრის და სიჩქარის გამწევი ავტომანქანის საშუალებით. ლაფეტზე რეაქტორი უნდა დამაგრდეს ნახაზზე მოცემული სქემის მიხედვით.
- მაკომპლექტებელი ნაწილები თითოეულ რეაქტორზე: 1ც. გამაფართოებელი, 1ც. 500კვ. შემყვანი, 1ც. კიბე, 4ც. გორგოლაჭი, 3ტ. დასამატებელი ზეთი, არც ერთი არ

ელექტრონული ტენდერი სს „სსე“-ს რეაქტორების გადაზიდვის მომსახურების შესყიდვაზე.
არის არაგაბარიტული და შესაძლებელია გადატანილი იქნას შესაბამისი ზომის სატრანსპორტო საშუალებებით.

რეაქტორების განთავსება მითითებულ ადგილზე

- გადმოტანილი ხუთივე რეაქტორი ჩამოიტვირთება ლაფეტიდან და დაიდგმება ერთმანეთის გვერდით, წინასწარ სსე-ს მიერ მომზადებულ მოედანზე, ბეტონის შპალებზე.
- მაკომპლექტებული ნაწილები დალაგდება შესაბამისი რეაქტორის სიახლოვეს სსე-ს წარმომადგენელის მითითებით.

მიმწოდებლის ვალდებულებები:

- მიმწოდებელი კისულობს ვალდებულებას და იღებს პასუხისმგებლობას უსაფრთხოდ მოახდინოს რეაქტორების დატვირთვა, ლაფეტზე დამაგრება, ტრანსპორტირება და დანიშნულების ადგილზე გადმოტვირთვა დადგმა.
- ამასთან „მიმწოდებელი“ უზრუნველყოფს ტრანსპორტირებისთვის საჭირო ყველა შეთანხმების ან/და დოკუმენტის მოპოვებას შესაბამისი უწყებებიდან.
- კომპანიას უნდა გააჩნდეს სპეციალიზირებული ტექნიკა, სატაკელაჟო მოწყობილობა, საჭირო რაოდენობის შპალები და ხის მასალა, ჰყავდეს კვალიფიციური სპეციალისტები.
- „შემსყიდველთან“ უნდა წარმოადგინოს და შეათანხმოს მომსახურების გაწევის გეგმა.

III ეტაპი

რეაქტორების გადატანა და რელსებზე დადგმა რეაქტორების უჯრედში.

- როდესაც მოხდება ქ/ს „გარდაბანი-500“-ში არსებული რეაქტორების გატანა უჯრედებიდან, ამის შემდეგ მათ ადგილზე დაიდგმება ქ/ს „ხესტაფონი-500“-დან გადმოტანილი რეაქტორები.
- რეაქტორები უნდა დაიდოს უჯრედებში, რელსებზე, თავისივე გორგოლაჭებზე და განხორციელდეს 1.1 პუნქტში მითითებული წესების დაცვით.

მიმწოდებლის ვალდებულებები:

- მიმწოდებელი კისულობს ვალდებულებას და იღებს პასუხისმგებლობას უსაფრთხოდ მოახდინოს რეაქტორების დატვირთვა, ლაფეტზე დამაგრება, ტრანსპორტირება და დანიშნულების ადგილზე გადმოტვირთვა დადგმა.
- ამასთან „მიმწოდებელი“ უზრუნველყოფს ტრანსპორტირებისთვის საჭირო ყველა შეთანხმების ან/და დოკუმენტის მოპოვებას შესაბამისი უწყებებიდან.
- კომპანიას უნდა გააჩნდეს სპეციალიზირებული ტექნიკა, სატაკელაჟო მოწყობილობა, საჭირო რაოდენობის შპალები და ხის მასალა, ჰყავდეს კვალიფიციური სპეციალისტები.
- „მიმწოდებელმა“ „შემსყიდველთან“ უნდა წარმოადგინოს და შეათანხმოს მომსახურების გაწევის გეგმა.

შენიშვნა:

- მიმწოდებელმა მომსახურება უნდა განახორციელოს საკუთარი რესურსით (ტრანსპორტი, საწვავი, კვალიფიციური პერსონალი).
- პრეტენდენტს შეუძლია გასაწევი მომსახურების ადგილების დათვალიერება.
- გასაწევი მომსახურების ტექნიკურ პირობას თან ერთვის რეაქტორის ნახაზები და ფოტოები ვიზუალური თვალსაჩინოებისათვის.

၆၁၆၁၆၀ #1



რეაქტორის ფოტოები



3.2 მოთხოვნები:

3.2.1 პრეტენდენტმა უნდა წარმოადგინოს მომსახურების გაწევისათვის აუცილებელ ტექნიკურ შესაძლებლობებზე ინფორმაცია: პერსონალის, სატრანსპორტო საშუალებების და დატვირტა გადმოტვირთვისათვის საჭირო მოწყობილობების შესახებ.

3.2.2 ინფორმაცია არანაკლებ სამი ანალოგიური მომსახურების შესახებ გაწეული 2012-2016 წლებში (კომპანიების და მომსახურების ვადების მითითებით).

3.2.3 ფასწარმოქმნის ადეკვატურობის დასაბუთების ვალდებულების შესახებ:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სახელმწიფო შესყიდვების ერთიანი ელექტრონული სისტემის მეშვეობით დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველის მიერ განსაზღვრულ ვადაში (სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „ გამარტივებული ელექტრონული ტენდერისა და ელექტრონული ტენდერის ჩატარების წესის“ მე-12 მუხლის მე-12 პუნქტის შესაბამისად), პრეტენდენტი ვალდებული იქნება დაასაბუთოს ფასწარმოქმნის ადეკვატურობა „სსიპ - ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა სათანადო აკრედიტაციის მქონე პირის მიერ გაცემული ექსპერტიზის დასკვნით („სსიპ - ლევან სამხარაულის სახელობის სასამართლო ექსპერტიზის ეროვნული ბიუროს“ გარდა სხვა აკრედიტებული პირის დასკვნის წარმოდგენის შემთხვევაში, დასკვნას თან უნდა დაერთოს აკრედიტაციის დამადასტურებელი დოკუმენტის ასლი) ან აუდიტორული დასკვნით, რომელიც ადასტურებს პრეტენდენტის მიერ ელექტრონული ვაჭრობის შედეგად დაფიქსირებულ საბოლოო ფასად ტენდერით გათვალისწინებული მომსახურების სრულად შესრულების შესაძლებლობას.

4. სახელმწიფო შესყიდვის შესახებ ხელშეკრულების პროექტი #-----

ქ. თბილისი

201- წ. -----

I. მხარეები

წინამდებარე ხელშეკრულება დადებულია 201- წლის -----, ერთის მხრივ სს „საქართველოს სახელმწიფო ელექტროსისტემას“ (შემდგომში „შემსყიდველი“), წარმოდგენილი ----- სახით და მეორეს მხრივ -- ----- (შემდგომში „მიმწოდებელი“), წარმოდგენილი მისი დირექტორის --- ----- სახით, შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. “მიმწოდებელი” ვალდებულია “შემსყიდველს” გაუწიოს მომსახურება დანართი #1-ის (ფასების ცხრილი) დანართი #2-ის (ტექნიკური პირობა) დანართი #3-ის (მომსახურების უსაფრთხოდ გაწევის წესი) შესაბამისად. CPV კოდი: 60100000.

2.2 დანართი #1, დანართი #2 და დანართი #3 წარმოადგენს წინამდებარე ხელშეკრულების განუყოფელ ნაწილს.

III. საქონლის ღირებულება და ანგარიშსწორების პირობები

3.1. ხელშეკრულების საერთო ღირებულება განსაზღვრულია წინამდებარე ხელშეკრულების დანართი #1-ის (ფასების ცხრილი) შესაბამისად და შეადგენს ----- ლარს დღგ-ს ----- (შემდგომში – „ხელშეკრულების ღირებულება“). გადაზიდვის მომსახურების ღირებულება ითვალისწინებს ყველა ხარჯს: მათ შორის დაზღვევის ხარჯს, საწვავის ხარჯს და მოქმედი კანონმდებლობით გათვალისწინებული ყველა გადასახადებს.

3.2 ანგარიშსწორება განხორციელდება ეტაპობრივად ფაქტიურად გაწეულ მომსახურებაზე მიღება-ჩაბარების აქტის გაფორმებიდან და სათანადო ანგარიშ-ფაქტურის წარმოდგენიდან 10 (ათი) კალენდარული დღის ვადაში.

3.3 იმ შემთხვევაში თუ „მიმწოდებლის“ მიერ მოთხოვნილი იქნა საავანსო გადახდა, „შემსყიდველი“ „მიმწოდებელს“ უხდის საავანსო თანხას (ხელშეკრულების ღირებულების არაუმეტეს 30%-ისა), „მიმწოდებლის“ მხრიდან შესაბამისი ოდენობის საბანკო გარანტიის (საბანკო გარანტია წარმოდგენილი უნდა იყოს საქართველოში ლიცენზირებული ბანკიდან) წარმოდგენის შემთხვევაში, საბანკო გარანტიის წარმოდგენიდან 5 (ხუთი) სამუშაო დღის განმავლობაში. საბანკო გარანტია ძალაში უნდა იყოს ხელშეკრულების მოქმედების ვადაზე არანაკლებ 30 კალენდარული დღით მეტი ვადით. ავანსად გაცემული თანხა ჩაითვლება საბოლოო ანგარიშსწორებისას.

3.4 ანგარიშსწორება განხორციელდება ლარებში უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „შემსყიდველი“ იღებს ვალდებულებას აუნაზღაუროს „მიმწოდებელს“ ფაქტიურად გაწეული მომსახურების ღირებულება ხელშეკრულების პირობებში ასახულ ვადებში და ფორმით.

4.2. „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია გასაწევი მომსახურების მიმდინარეობის შესახებ.

4.3. „მიმწოდებელი“ მომსახურებას იწყებს -----

4.4 წინამდებარე ხელშეკრულებით განსაზღვრული რეაქტორების გადაზიდვასთან დაკავშირებით ყველა საჭირო შეთანხმების უზრუნველყოფა წარმოადგენს „მიმწოდებლის“ ვალდებულებას. „მიმწოდებლის“ სატრანსპორტო საშუალებაზე რეაქტორის დატვირთვა, „შემსყიდველის“ მიერ მითითებულ ადგილზე (ადგილის მომზადება) და გადმოტვირთვა „მიმწოდებლის“ ვალდებულებაა.

4.5 **3 ცალი** რეაქტორის დაზღვევა უნდა განხორციელდეს მისი სადაზღვევო ღირებულების **3 540 000** ლარის ოდენობით. სადაზღვევო პერიოდი მოიცავს ვადას გადაზიდვის დაწყებიდან დასრულებამდე. სადაზღვევო პოლისის ბენეფიციარი უნდა იყოს სს „საქართველოს სახელმწიფო ელექტროსისტემა“.

4.6 „მიმწოდებელი“ ვალდებულია დააზღვიოს წინამდებარე ხელშეკრულების დანართი #2-ის ტექნიკური პირობით გათვალისწინებული 3 ცალი რეაქტორი.

4.7 „მიმწოდებელი“ ვალდებულია უზრუნველყოს ამ ხელშეკრულებით განსაზღვრული რეაქტორების უსაფრთხო და დაუზიანებელი სპეციალურ ტექნიკაზე დატვირთვა გადმოტვირთვა, ტრანსპორტირება და გადატანა არსებული წესების და კანონმდებლობის დაცვით.

4.8 საგზაო მარშრუტის ან/და გადაზიდვისათვის გამოსაყენებელი ტექნიკის ნებისმიერი ცვლილება უნდა შეთახმდეს „შემსყიდველთან“.

4.9 ობიექტზე დაშვების უფლების მისაღებად და შემდგომ მომსახურების გაწევის დროს „მიმწოდებელი“ ვალდებულია დაიცვას საქართველოს მთავრობის 17.12.2013 წლის N340 დადგენილებით დამტკიცებული „უსაფრთხოების ტექნიკის წესები ელექტროდანადგარების ექსპლუატაციისას“, საქართველოს მთავრობის 31.12.2013 წლის N434 დადგენილებით დამტკიცებული ტექნიკური რეგლამენტის – „ელექტროსადგურების და ქსელების ტექნიკური ექსპლუატაციის წესები“-ს, საქართველოს მთავრობის 2015 წლის 23 ივლისის N370 დადგენილებით დამტკიცებული ტექნიკური რეგლამენტი – „სახანძრო უსაფრთხოების წესების და პირობების შესახებ“, საქართველოს მთავრობის 24.12.2013 წლის N366 დადგენილებით დამტკიცებული „ელექტრული ქსელების ხაზობრივი ნაგებობების დაცვის წესი და მათი დაცვის ზონები“-ს მოთხოვნები, მათ შორის (და არა მხოლოდ):

ა) ობიექტზე დაშვების უფლების მისაღებად, „მიმწოდებელი“ ვალდებულია განსაზღვროს ჩასატარებელ მომსახურების გაწევის ჯერადობა (მომსახურების გაწევის ხასიათის, პერსონალისა და ტექნიკის ცვლილების გათვალისწინებით) და დაშვების თარიღამდე არანაკლებ 10 (ათი) კალენდარული დღით ადრე, წერილობით მიმართოს „შემსყიდველს“ და

მიაწოდოს ინფორმაცია თითოეულ ჯერზე მომსახურების გაწევის შინაარსის, მოცულობის, შესრულების ვადების შესახებ (მომსახურების გაწევის დაწყების და დასრულების თარიღის მითითებით), მომსახურებისას გამოსაყენებელი მანქანა-მექანიზმების/ტექნიკის და მათი მძღოლების, აგრეთვე, მომსახურების გაწევის უსაფრთხოდ ჩატარებაზე პასუხისმგებელ მივლინებულ პირთა სია: გვარების, ინიციალების, პირადობის მოწმობის პირადი ნომრების, თანამდებობების, მათთვის მინიჭებული უფლებების (მომსახურების გაწევის ხელმძღვანელი, მომსახურების გაწევის მწარმოებელი, მეთვალყურე, ბრიგადის წევრი) და მათი ელექტროუსაფრთხოების ჯგუფების მითითებით. (საქართველოს მთავრობის 17.12.2013 წლის N340 დადგენილებით დამტკიცებული წესების 79-ე და 80-ე მუხლები და საქართველოს მთავრობის 24.12.2013 წლის N366 დადგენილებით დამტკიცებული წესების მე-4 მუხლის მე-5 პუნქტის მოთხოვნა);

ბ) მალღივ/სიმაღლეზე მომსახურების გაწევის, საცეცხლე, სამშენებლო, სადემონტაჟო, ელექტრულ, ეგზ-ების დაცვის ზონაში მომსახურებაზე, მანქანა-მექანიზმებზე მომუშავე, ყველა სხვა სახის მომსახურებაში მონაწილე პირები და მთლიანობაში, ობიექტზე დაშვებული მივლინებული საწარმოს ყველა მუშაკი ფიზიკური/ფსიქიკური მონაცემებით უნდა შეესაბამებოდეს მათ მიერ გასაწევ მომსახურებას, უნდა იყოს ჯანმრთელი და გავლილი უნდა ჰქონდეთ ჯანმრთელობის სამედიცინო შემოწმება;

გ) „მიმწოდებელი“ პასუხისმგებელია მის მიერ მივლინებული პერსონალისათვის მინიჭებული ელექტროუსაფრთხოების ჯგუფების და უფლებების შესაბამისობაზე კვალიფიკაციასთან, აგრეთვე პერსონალის მიერ მოქმედი წესებისა და ნორმების მოთხოვნათა დაცვაზე.

დ) „მიმწოდებლის“ მიერ მივლინებულ იმ პირებს, რომლებსაც შეიძლება მუშაობა მოუწიოთ მალღივ/სიმაღლეზე, საცეცხლე, ელექტრულ/ელექტროდანადგარებთან, ეგზ-ების დაცვის ზონაში, მანქანა-მექანიზმებზე და ყველა სპეციალური სახის მომსახურებაში, თან უნდა ჰქონდეთ ზემოაღნიშნული წესების მიხედვით გათვალისწინებული, დადგენილი ფორმის მოქმედი საკვალიფიკაციო მოწმობები, რომელშიც იქნება ჩანაწერი ელექტროდანადგარებში, მალღივ/სიმაღლეზე, საცეცხლე, სპეციალური მომსახურების გაწევის წესების და ნორმების ცოდნის შემოწმების გავლის, მათთვის მინიჭებული შესაბამისი უფლების და ელექტროუსაფრთხოების ჯგუფის შესახებ. არასათანადოდ გაფორმებული საკვალიფიკაციო მოწმობების, ცოდნის შემოწმების ვადაგადაცილების ან/და საკვალიფიკაციო მოწმობების არარსებობის შემთხვევაში „მიმწოდებლის“ მივლინებული შესაბამისი პერსონალი ობიექტზე არ დაიშვება, ხოლო ამ მიზეზით მომსახურების დაგვიანებით გაწევის ან საერთოდ შეუსრულებლობისათვის, „მიმწოდებელს“ დაეკისრება ხელშეკრულების 7.1 პუნქტით გათვალისწინებული პირგასამტეხლო.

ე) ობიექტზე დაშვებისას „მიმწოდებლის“ მივლინებულმა პერსონალმა ვალდებულია თან იქონიოს აუცილებელი დამცავი საშუალებები (მათ შორის, დამცავი ჩაჩქანები, დამცავი ქამარი და დამზღვევი ბაგირი), რომელთა გარეშეც აღნიშნული პერსონალი არ დაიშვება ობიექტზე.

ვ) „მიმწოდებლის“ მივლინებულმა პერსონალმა მომსახურება უნდა შეასრულოს განწესით ან/და განკარგულებით, წინამდებარე ხელშეკრულების დანართი #3-ში განსაზღვრული მომსახურების უსაფრთხოდ წარმოების წესის და პირობების მკაცრი დაცვით.

V. მომსახურების გაწევის ვადა, ადგილი და პირობა

5.1 წინამდებარე ხელშეკრულებით განსაზღვრული რეაქტორების ტრანსპორტირება გადატანის მომსახურება სრულდება სამ ეტაპად, რომელთა გაწევის ვადებია:

პირველი ეტაპი: შემსყიდველის წერილობითი მოთხოვნის მიღებიდან, ობიექტზე დაშვებიდან, სადაზღვევო კომპანიის საგარანტიო პოლისის წარმოდგენიდან 10 (ათი) კალენდარული დღე. (სადაზღვევო კომპანიის საგარანტიო პოლისი წარმოდგენილი უნდა

ელექტრონული ტენდერი სს „სსე“-ს რეაქტორების გადაზიდვის მომსახურების შესყიდვაზე.

იქნას შემსყიდველის წერილობითი მოთხოვნის მიღებიდან 5 (ხუთი) სამუშაო დღის განმავლობაში). მითითებულ ვადაში პოლისის (ორიგინალი) წარმოდგენლობის შემთხვევაში გასაწევი მომსახურების ვადა აითვლება „შემსყიდველის“ წერილობითი მოთხოვნის მიღების დღიდან. ობიექტზე დაშვების უფლების მისაღებად „მიმწოდებელი“ ვალდებულია წერილობით მიმართოს „შემსყიდველს“ ხელშეკრულების გაფორმებიდან არაუგვიანეს 10 (ათი) სამუშაო დღეში. ობიექტზე დაშვების პროცედურები გაწერილია სატენდერო დოკუმენტაციის მე-4 მუხლის (ხელშეკრულების პროექტი შესყიდვის შესახებ) და დანართი #3-ში (მომსახურების უსაფრთხოდ გაწევის წესი და პირობები).

მეორე ეტაპი: შემსყიდველის წერილობითი მოთხოვნის მიღებიდან და ობიექტზე დაშვებიდან 5 (ხუთი) კალენდარული დღე.

მესამე ეტაპი: შემსყიდველის წერილობითი მოთხოვნის მიღებიდან და ობიექტზე დაშვებიდან 3 (სამი) კალენდარული დღე.

5.2 “მიმწოდებლის” მიერ 4.4 პუნქტში მითითებული ვადაში პოლისის (ორიგინალი) წარმოდგენლობის შემთხვევაში “მიმწოდებლის” მხრიდან ხელშეკრულების გასაწევი მომსახურების ვადა აითვლება შემსყიდველის წერილობითი მოთხოვნის მიღების დღიდან.

5.3 „მიმწოდებელმა“ გადაზიდვა-გადატანა უნდა განახორციელოს სამ ეტაპად:

პირველი ეტაპი: ქ/ს „ზესტაფონი 500“-ში 3 ცალი 500კვ. რეაქტორის და მათი მაკომპლექტებული ნაწილების დატვირთვა სპეციალურ ტექნიკაზე ტრანსპორტირება და გადმოტვირთვა დალაგება ქ/ს „გარდაბანი 500“-ის ტერიტორიაზე (თერჯოლის რაიონი, სოფელი ღვანკითი ქ/ს „ზესტაფონი 500“-დან ქალაქი გარდაბანი, აღმაშენებლის ქუჩა #2 ქ/ს „გარდაბანი 500“-ში).

მეორე ეტაპი: ქ/ს „გარდაბანი-500“-ში არსებული 5 რეაქტორის დატვირთვა სპეციალურ ტექნიკაზე გატანა უჯრედიდან და გადმოტვირთვა, დალაგება ქვესადგურის ტერიტორიაზე (ქალაქი გარდაბანი, აღმაშენებლის ქუჩა #2 ქ/ს „გარდაბანი 500“).

მესამე ეტაპი: ქ/ს „გარდაბანი 500“-ის ტერიტორიაზე 3 ცალი 500კვ. რეაქტორის დატვირთვა სპეციალურ ტექნიკაზე გადატანა და გადმოტვირთვა დადგმა რელსებზე რეაქტორების უჯრედში (ქალაქი გარდაბანი, აღმაშენებლის ქუჩა #2 ქ/ს „გარდაბანი 500“).

VI. ხელშეკრულების შესრულების საგარანტიო უზრუნველყოფა

6.1 “შემსყიდველის” მხრიდან ხელშეკრულების გარანტია ხელშეკრულების შესრულების საგარანტიო უზრუნველყოფა, საბანკო გარანტია, ხელშეკრულების ღირებულების ---%, რომელიც წარმოდგენილია „მიმწოდებლის“ მიერ გამოყენებული იქნება შემდეგ შემთხვევებში თუ:

ა) “მიმწოდებლის” მხრიდან მომსახურების გაწევის ვადა ირლვევა 30 (ოცდაათი) კალენდარულ დღეზე მეტი ხნის განმავლობაში.

ბ) “მიმწოდებლის” მიერ გაწეული მომსახურება არ შეესაბამება წინამდებარე ხელშეკრულებით განსაზღვრულ მოთხოვნებს.

6.2 წინამდებარე ხელშეკრულების 6.1 პუნქტით გათვალისწინებულ შემთხვევებში “შემსყიდველი” საბანკო გარანტიის საფუძველზე უპირობოდ და შეუქცევადად იღებს მთელ გარანტირებულ თანხას (ხელშეკრულების ღირებულების ---%).

6.3 “შემსყიდველის” მხრიდან ხელშეკრულების უზრუნველყოფის გარანტიის გამოყენება არ ათავისუფლებს “მიმწოდებელს” წინამდებარე ხელშეკრულების მე-VII მუხლით განსაზღვრული ვალდებულებებისაგან.

VII. მხარეთა პასუხისმგებლობა

7.1 „მიმწოდებლის“ მიზეზით მომსახურების დაგვიანებით, არასრულად, ხარვეზით ან საერთოდ არ გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო შეუსრულებელი მომსახურების ღირებულების 0,1%-ის ოდენობით, ყოველ ვადა

გადაცილებულ დღეზე, მომსახურების ჯეროვნად და სრულად გაწევამდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.2 ამ ხელშეკრულების 7.1 პუნქტით გათვალისწინებული პირგასამტეხლო “მიმწოდებელს” გადასახდელად დაერიცხება აგრეთვე იმ შემთხვევაში, თუ „მიმწოდებელი“ არ გამოასწორებს საგარანტიო პერიოდის განმავლობაში გამოვლენილ ხარვეზს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის დადგენილ ვადებში - შესატყვისი ვადის გასვლიდან ხარვეზის გამოსწორების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.3 „შემსყიდველის“ მიერ ხელშეკრულებით გათვალისწინებული ფაქტიურად შესრულებული მომსახურების ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

7.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

7.5 „შემსყიდველი“ უფლებამოსილია ფაქტიურად შესრულებული მომსახურების ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და “მიმწოდებელზე” დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 7.3 პუნქტით გათვალისწინებული პირგასამტეხლოს დარიცხვის საფუძველი.

VIII. ხელშეკრულების შესრულების კონტროლი

8.1 “მიმწოდებელი” ვალდებულია საკუთარი რესურსებით უზრუნველყოს “შემსყიდველი” კონტროლის ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ “შემსყიდველი” კონტროლის მიზნით გამოიყენებს საკუთარ ან მოწვეულ პერსონალს, მისი შრომის ანაზღაურებას უზრუნველყოფს თვით “შემსყიდველი”.

8.2 “მიმწოდებელი” ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8.3 ამ მუხლის არც ერთი პუნქტი არ ათავისუფლებს “მიმწოდებელს” მოცემული ხელშეკრულების ვალდებულებებისაგან.

8.4 ხელშეკრულების შესრულების კონტროლს “შემსყიდველის” მხრიდან უზრუნველყოფს სსე-ის _____.

_____.

8.5 კონტროლი განხორციელდება გაწეული მომსახურების ხარისხისა და მომსახურების გაწევის ვადის შესაბამისობით ხელშეკრულების პირობებთან.

IX. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული

მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

X. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11.3. ხელშეკრულება შეიძლება ვადამდე მოიშალოს:

11.3.1. მხარეთა შეთანხმებით;

11.3.2 ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.4 „შემსყიდველს“ შეუძლია ხელშეკრულება ვადამდე შეწყვიტოს:

11.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. „მიმწოდებლის“ გაკოტრების შემთხვევაში;

11.4.3 თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

11.4.4. საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად მიწოდებული მომსახურების ღირებულება.

XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XIII. დავათა განხილვა

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოავგარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIV. შესყიდვის ობიექტის მიღება-ჩაბარების წესი

14.1 “მიმწოდებლის” მიერ წინამდებარე ხელშეკრულების 8.4 ქვეპუნქტით განსაზღვრული პირი ამოწმებს გაწეული მომსახურების შესაბამისობას წინამდებარე ხელშეკრულების პირობებთან. ხარვეზების არ არსებობის შემთხვევაში ფორმდება მიღება-ჩაბარების აქტი ეტაპობრივად ფაქტიურად გაწეულ მომსახურებაზე.

14.2 წინამდებარე ხელშეკრულებით განსაზღვრული მომსახურება მიღებულად ჩაითვლება მიღება-ჩაბარების აქტის გაფორმებისთანავე.

XV. ხელშეკრულების მოქმედების ვადები

15.1 ხელშეკრულება ძალაში შედის მხარეთა მიერ ხელმოწერისთანავე და მოქმედებს 201-წლის ----- ჩათვლით.

XVI. ხელშეკრულების სხვა პირობები

16.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

16.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

16.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

ელექტრონული ტენდერი სს „სსე“-ს რეაქტორების გადაზიდვის მომსახურების შესყიდვაზე.

16.4 წინამდებარე ხელშეკრულებით გათვალისწინებული პირობები წარმოადგენს კონფედენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

16.5 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ჟ) ქვეპუნქტის შესაბამისად.

XVII. მხარეთა რეკვიზიტები

“შემსყიდველი”:

“მიმწოდებელი”:

ხელშეკრულების დანართი#1,
ფასების ცხრილი:

ხელშეკრულების დანართი#2,
ტექნიკური პირობა:

ხელშეკრულების დანართი#3,
მომსახურების უსაფრთხოდ გაწევის წესი და პირობები

მომსახურების უსაფრთხოდ გაწევის წესი და პირობები

ს.ს. „საქართველოს სახელმწიფო ელექტროსისტემის“ (სსე) ქვესადგურ „ზესტაფონი-500“-დან ქვესადგურ „გარდაბანი-500“-ში 3 ცალი რეაქტორის გადატანასა და უჯრედებში დადგმაზე, ასევე, ქს „გარდაბანი-500“-ში არსებული 5 ცალი რეაქტორის უჯრედიდან გატანასა და ქს-ის ტერიტორიაზე განთავსებაზე

1. მომსახურების გამწევმა საწარმომ მომსახურება უნდა გასწიოს საქართველოს მოქმედი კანონმდებლობის და ასევე, შემდეგი ნორმატიული აქტების მოთხოვნების განუხრელი დაცვით: 1) საქართველოს მთავრობის 24.12.2013 წლის N366 დადგენილებით დამტკიცებული „ელექტრული ქსელების ხაზობრივი ნაგებობების დაცვის წესი და მათი დაცვის ზონები“; 2) საქართველოს მთავრობის 31.12.2013 წლის N434 დადგენილებით დამტკიცებული ტექნიკური რეგლამენტი – „ელექტროსადგურებისა და ქსელების ტექნიკური ექსპლუატაციის წესები“; 3) საქართველოს მთავრობის 17.12.2013 წლის N340 დადგენილებით დამტკიცებული „უსაფრთხოების ტექნიკის წესები ელექტროდანადგარების ექსპლუატაციისას“; 4) საქართველოს მთავრობის 2015 წლის 23 ივლისის N370 დადგენილებით დამტკიცებული ტექნიკური რეგლამენტი – „სახანძრო უსაფრთხოების წესების და პირობების შესახებ“; 5) საქართველოს მთავრობის 2007 წლის 4 ივლისის N134 დადგენილებით დამტკიცებული „ელექტრონული საკომუნიკაციო ქსელების სახაზო ნაგებობების დაცვის წესი და მათი დაცვის ზონები“; 6) საგზაო და საავტომობილო მოძრაობის უსაფრთხოების შესახებ საქართველოს კანონმდებლობით დადგენილი მოთხოვნები;

2. ობიექტზე დაშვებისათვის და მომსახურების გაწევის მიზნით, მომსახურების გამწევი საწარმო ვალდებულია, განსაზღვროს განსახორციელებელ ღონისძიებათა ჯერადობა (ჩასატარებელ ღონისძიებათა ხასიათის, მუშაკებისა და ტექნიკის ცვლილების გათვალისწინებით) და შესაბამისი ღონისძიებების დაწყებამდე არანაკლებ 10 (ათი) კალენდარული დღით ადრე სსე-ს მიაწოდოს წერილობითი მონაცემები თითოეულ ჯერზე განსახორციელებელი ღონისძიების (გასაწევი მომსახურების) შინაარსის, მოცულობის, შესრულების ვადების შესახებ (დაწყების და დასრულების თარიღის მითითებით), მომსახურებისას გამოსაყენებელი მანქანა-მექანიზმების/ტექნიკის და მათი მძღოლების, აგრეთვე, მომსახურების უსაფრთხოდ გაწევაზე პასუხისმგებელ მივლინებულ პირთა სია: გვარების, ინიციალების, პირადობის მოწმობის პირადი ნომრების, თანამდებობების, მათთვის მინიჭებული უფლებების (ხელმძღვანელი, მწარმოებელი, მეთვალყურე, ბრიგადის წევრი) მითითებით;

3. მივლინებულ პირებს ობიექტის ტერიტორიაზე მკაცრად ეკრძალებათ ნებისმიერი ზომისა და სახეობის ცივი, ცეცხლსასროლი (მათ შორის, გლუვკალბრიანი/საფანტის), გაზის, პნევმატური, სათამაშო/სასწავლო და სხვა სახის იარაღის, საბრძოლო მასალების (მათ შორის, სასწავლო/სათამაშო ნიმუშების), ნებისმიერი სახეობისა და რაოდენობის ასაფეთქებელი, მომწამვლელი ან/და ადამიანებისა და გარემოსათვის საშიში სხვა ნივთიერებების, აგრეთვე, ნარკოტიკული/ფსიქოტროპული საშუალებების და ალკოჰოლური სასმელების შეტანა. ობიექტზე დაშვებისას ყველა მივლინებულმა პირმა/მუშაკმა სავალდებულოდ თან უნდა იქონიოს პირადობის დამადასტურებელი მოწმობა/პასპორტი და ობიექტზე შესვლამდე ჩააბაროს ობიექტის დაცვის მუშაკს, ხოლო ობიექტიდან გამოსვლისას გამოართვას უკან. აკრძალულია აგრეთვე, ობიექტზე გამოცხადება ნასვამ (ალკოჰოლური ზემოქმედების) მდგომარეობაში, ფსიქოტროპული ან/და ნარკოტიკული ნივთიერებების ზემოქმედების ქვეშ. ნებისმიერი ზემოთ აღნიშნული მოთხოვნებიდან ერთ-ერთის დარღვევის გამოვლენის შემთხვევაშიც კი შესაბამისი მივლინებული მუშაკი არ დაიშვება ობიექტზე, ხოლო პასუხისმგებელ პირებს დაეკისრებათ შესაბამისი ფინანსური, დისციპლინური, ადმინისტრაციული ან/და სისხლის სამართლებრივი პასუხისმგებლობა. მივლინებული საწარმოს მუშაკი ობიექტზე არ

დაიშვება იმ შემთხვევაშიც, თუკი მისი პიროვნება (სახელი, გვარი და პირადი ნომერი) არ აღმოჩნდება ობიექტზე გადაცემულ სიაში:

4. პირი, რომელმაც მიიღო დადგენილი წესით თანხმობა ობიექტზე/ელექტრონული ქსელის ხაზობრივი ნაგებობის დაცვის ზონაში მომსახურების გაწევაზე, ვალდებულია მომსახურება გასწიოს ელექტრონული ქსელის მფლობელთან შეთანხმებული ტექნიკური პირობების და წესების დაცვით და უზრუნველყოს ელექტრონული ქსელის უსაფრთხოება. თუ ღონისძიებები ხორციელდება საკაბელო ელექტროგადამცემი ხაზის დაცვის ზონაში, უსაფრთხოების მიზნით ღონისძიებათა განხორციელებისას (მომსახურების გაწევისას) სავალდებულოა ელექტრონული ქსელის მფლობელი პირის წარმომადგენლის დასწრება;

5. ობიექტზე დაშვებული ყველა მივლინებული პირი ფიზიკური/ფსიქიკური მონაცემებით უნდა შეესაბამებოდეს მათ მიერ შესასრულებელ ღონისძიებებს, უნდა იყოს ჯანმრთელი და გავლილი უნდა ჰქონდეთ ჯანმრთელობის სამედიცინო შემოწმება;

6. მაღლივ/სიმაღლეზე, ელექტრულ, ეგზ-ების დაცვის ზონაში, მანქანა-მექანიზმების გამოყენებით მომსახურების გაწევისას და ყველა სპეციალური სახის ღონისძიების მონაწილე პირებს გავლილი უნდა ჰქონდეთ ცოდნის საკვალიფიკაციო შემოწმება, მინიჭებული უნდა ჰქონდეთ არანაკლებ უსაფრთხოების II (მეორე) საკვალიფიკაციო ჯგუფი (ბრიგადის წევრებს), არანაკლებ უსაფრთხოების III (მესამე) ჯგუფი მეთვალყურეს. განკარგულებით ჩასატარებელი სამუშაოების შემთხვევაში მწარმოებელს უნდა ჰქონდეს არანაკლებ III (მესამე) ჯგუფი, ხოლო განწესის შემთხვევაში – არანაკლებ IV (მეოთხე) ჯგუფი. ხელმძღვანელის დანიშვნის შემთხვევაში, მას უნდა ჰქონდეს უსაფრთხოების V (მეხუთე) ჯგუფი;

7. ღონისძიებები, რომლებიც სრულდება 5 მეტრზე მეტ სიმაღლეზე მიწის, გადახურვის ან სამუშაო ნაფენის ზედაპირიდან, უნდა ჩაატარონ მოსიმაღლეებმა. აღნიშნულ ღონისძიებებში მონაწილე პირებს (ბრიგადის წევრებს) გავლილი უნდა ჰქონდეთ ცოდნის საკვალიფიკაციო შემოწმება, უნდა ფლობდნენ შესაბამის თეორიულ და პრაქტიკულ უნარ-ჩვევებს. ამასთან, ვინაიდან, მსგავსი ღონისძიებები თავისი ხასიათით არის სპეციალური, შემსრულებელ მივლინებულ პირებს მოწმობაში უნდა ჰქონდეთ გაკეთებული შესაბამისი ჩანაწერი (საქართველოს საქართველოს მთავრობის 17.12.2013 წლის N340 დადგენილებით დამტკიცებული წესების მე-4 მუხლის მე-5 პუნქტის მოთხოვნა);

8. მომსახურების გაწევისას ბრიგადის იმ წევრებს, რომლებიც არ არიან დაკავშირებული მაღლივ/სიმაღლეზე, ელექტრულ, ეგზ-ების დაცვის ზონაში, მანქანა-მექანიზმებზე მუშაობასთან და ყველა სახის სპეციალურ ღონისძიებებთან, დასაშვებია ჰქონდეთ უსაფრთხოების I (პირველი) ჯგუფი. ამ შემთხვევაში, ბრიგადას სავალდებულოდ უნდა დაენიშნოს მწარმოებელი (მეთვალყურე) – უსაფრთხოების III (მესამე) ჯგუფი;

9. მე-6 და მე-7 პუნქტებით განსაზღვრულ შემთხვევებში, მივლინებულ პირებს უნდა გააჩნდეთ საქართველოს მთავრობის 17.12.2013 წლის N340 დადგენილებით დამტკიცებული წესების N1 დანართით დადგენილი, მოქმედი საკვალიფიკაციო მოწმობები. მივლინებული პირები ვალდებული არიან აღნიშნული მოწმობები მომსახურების გაწევისას მუდმივად იქონიონ თან;

10. მომსახურების გაწევის დაწყებამდე (ობიექტზე დაშვებამდე) მივლინებულმა პირებმა უნდა გაიარონ შესავალი ინსტრუქტაჟი სსე-ს შესაბამის რეგიონალურ ქსელში ტექნიკური უსაფრთხოების და ინსპექციის სამსახურის უსაფრთხოების რეგიონალურ ინჟინერთან, ხოლო პირველადი ინსტრუქტაჟი შრომის დაცვაში – შესაბამისი ქვესადგურის ხელმძღვანელობასთან, ინსტრუქტაჟის ჟურნალში შეტანით. პირველადი ინსტრუქტაჟი უნდა ჩატარდეს ადგილობრივ თავისებურებათა და გამოყოფილ უბანზე საშიში გარემოებების/ფაქტორების გათვალისწინებით;

11. ქვესადგურის ღგმ-ზე, სეგზ-ების დაცვის ზონაში, მაღლივი/სიმაღლეზე, მანქანა-მექანიზმების გამოყენებით მომსახურების გაწევა სავალდებულოდ უნდა შესრულდეს განწესი-დაშვებით და უსაფრთხოების ყველა საჭირო ორგანიზაციულ-ტექნიკური ღონისძიების წინასწარი გატარებით. სავალდებულო წესით უნდა დაინიშნოს სამუშაოთა მწარმოებელი და მეთვალყურე. აღნიშნული უნდა შესრულდეს შესაბამისი ქვესადგურის და რეგიონალური ქსელის ხელმძღვანელობასთან შეთანხმებით. დაუშვებელია განწესით დადგენილი ღონისძიებების თვითნებური შეცვლა, აგრეთვე განწესით განსაზღვრული სამოქმედო არეალის (სამუშაო ადგილის) და დავალების მოცულობის გაფართოება. აუცილებლობის შემთხვევაში, მოქმედი წესების დაცვით წინასწარ/თავიდან უნდა განხორციელდეს უსაფრთხოების ყველა ორგანიზაციულ-ტექნიკური ღონისძიება.

12. მომსახურების გაწევის დაწყებისას პირველად დაშვებას დამკვეთი ორგანიზაციის ტერიტორიაზე ასრულებს ენერგობიექტის პერსონალის წარმომადგენელი (დამშვები). დამშვები მიმავლინებელი საწარმოს ბრიგადის ხელმძღვანელის ან პასუხისმგებელი შემსრულებლის დაშვებას ახორციელებს უსაფრთხოების ტექნიკის წესების შესაბამისად. მომდევნო დღეებში მომზადებულ ადგილზე (სამოქმედო არეალში) განმეორებით დაშვებას დამშვების ნებართვით ახორციელებს მივლინებული პირების მხრიდან გამოყოფილი ბრიგადის ხელმძღვანელი. მივლინებული პირების მხრიდან გამოყოფილ ბრიგადის მწარმოებელს (მეთვალყურეს) მომზადებულ ადგილზე შეუძლია დაუშვას ბრიგადა დამშვების ნებართვით თუ მას ეს ევალება განწესის "ცალკეული მითითებების" სტრიქონში ჩანაწერით. ყოველდღიურად ბრიგადის დაშვება მოსახურების გასაწევად უნდა განხორციელდეს მიმდინარე (მიზნობრივი) ინსტრუქტაჟის ჩატარების შემდგომ, რომელიც ბრიგადის წევრებს უნდა ჩაუტარონ მივლინებული პირების მხრიდან გამოყოფილმა ბრიგადის ხელმძღვანელმა, მწარმოებელმა და მეთვალყურემ, რომლებიც პასუხისმგებელნი არიან ბრიგადის წევრებთან ინსტრუქტაჟის მკაფიოდ და სრულად ჩატარებაზე, აგრეთვე, მომზადებული ადგილის (სამოქმედო არეალის) შესაბამისობაზე განწესით/განკარგულებით განსაზღვრულთან და მომსახურების გაწევის პირობებიდან (მათ შორის, ტექნიკური პირობებიდან) გამომდინარე მათ მიერ განსახორციელებელ უსაფრთხოების დამატებით ღონისძიებებზე; ასევე, აუცილებელი დამცავი და სამუშაო საშუალებების (მათ შორის, სიმაღლიდან ვარდნის დამცავი საშუალებების), ინვენტარის, ინსტრუმენტების, ჯალამბარების, სატაკელაჟო მოწყობილობების, სამარჯვების (და ასე შემდეგ) არსებობაზე, გამართულობაზე და სწორად გამოყენებაზე; მომსახურების გაწევის ადგილზე (სამოქმედო არეალში) შემოღობვების, უსაფრთხოების პლაკატებისა და ნიშნების, ჩამკეტი მოწყობილობების დაცულობაზე; სამუშაო ადგილზე ხანძარსაწინააღმდეგო და ფეთქებადსაწინააღმდეგო წინასწარი ღონისძიებების გატარებაზე და მკაცრად დაცვაზე, მომსახურების უსაფრთხოდ გაწევაზე და ბრიგადის წევრებისა და მათ მიერ მოქმედი წესების დაცვაზე; ბრიგადის წევრებზე მუდმივი კონტროლის განხორციელებაზე;

13. მომსახურების გაწევის ადგილზე/გამოყოფილ უბანზე უსაფრთხოების ტექნიკის და სახანძრო უსაფრთხოების წესების დაცვაზე, მივლინებული მუშაკების უსაფრთხოდ მუშაობაზე და მათი კვალიფიკაციის შესაბამისობაზე განსახორციელებელი ღონისძიებების თავისებურებებთან და სირთულესთან, სრული პასუხისმგებლობა ეკისრება მიმავლინებელ საწარმოს. ამასთან, მივლინებული პირები ვალდებული არიან მკაცრად დაიცვან მომსახურების გაწევის ადგილზე (სამოქმედო არეალში) არსებული მანქანა-მექანიზმების, მოწყობილობა-დანადგარების, სატაკელაჟო მოწყობილობების მუშაობის დადგენილი რეჟიმები და თავიანთი ქმედებებით არ გამოიწვიონ რაიმე შეფერხებები. ქვესადგურის ტერიტორიაზე მივლინებული პირებისათვის გამოყოფილი უბანი/სამოქმედო არეალი უნდა იყოს სავალდებულოდ შემოღობილი უსაფრთხოების ლენტით;

14. მაღლივი/სიმაღლეზე, ეგზ-ების დაცვის ზონაში, ელექტრული, მანქანა-მექანიზმების გამოყენებით მომსახურების გაწევისას, აგრეთვე, ქვესადგურის ღგმ-ში

დაგეგმილი სხვა ღონისძიებები მივლინებულმა პირებმა უნდა ჩაატარონ გამოყენებისათვის ვარგისი დამცავი სათვალის, დამცავი ჩაფხუტის, დამცავი ქამრის, დამზღვევი ბაგირის, დამცავი ხელთათმანების, შემოღობვის ლენტის და სხვა აუცილებელი საშუალებების სავალდებულო გამოყენებით. აღნიშნული საშუალებები ობიექტზე დაშვებისას თან უნდა იქონიონ/მოიტანონ მივლინებული საწარმოს მუშაკებმა. მათ თან უნდა ჰქონდეთ აგრეთვე, სხვა საჭირო საშუალებებიც (უსაფრთხოების ღობურები, პლაკატები, ნიშნები და სხვა). 1,3 მეტრ და მეტ სიმაღლეზე სამუშაოების წარმოების დროს სამუშაო ადგილები უნდა შემოიღობოს არანაკლებ 1,1 მეტრი სიმაღლის მოაჯირით. საჭიროების შემთხვევაში სამუშაო ადგილზე დამატებით უნდა დაყენდეს დამცავი მოწყობილობები (ბადები, ფარები, ფენილები და ა.შ.);

15. მივლინებულმა პირებმა მომსახურების გაწევის ადგილზე (სამოქმედო არეალში) უნდა უზრუნველყონ საქართველოში მოქმედი სახანძრო უსაფრთხოების წესების მოთხოვნათა განუხრელი დაცვა. მომსახურების გაწევისას აკრძალულია ფეთქებადი და ადვილადაალებადი ნივთიერებების გამოყენება. ნებისმიერი ღონისძიების განხორციელებამდე წინასწარ მიღებული და დაცული უნდა იყოს აფეთქება და ხანძარსაწინააღმდეგო ზომები. მივლინებულ პირებს ობიექტის ტერიტორიაზე ეკრძალებათ თამბაქოს მოწევა, გარდა სპეციალურად საამისოდ გამოყოფილი ადგილებისა;

16. მასალები, ხელსაწყოები, დანადგარები, მანქანა-მექანიზმები, სატაკელაჟო მოწყობილობები (და სხვა) უნდა განთავსდეს რეგიონალური ქსელის და ობიექტის ხელმძღვანელობის მიერ წინასწარ გამოყოფილ ადგილზე, ყველა აუცილებელი დამცავი საშუალების გამოყენებით;

17. მომსახურების გაწევის ადგილზე ხარაჩოები უნდა მოეწყოს 1985 წლის 30 აპრილს სსრკ-ს ენერგეტიკის სამინისტროს მიერ დამტკიცებული “უსაფრთხოების წესები ინსტრუმენტითა და სამარჯვებით მუშაობისას” შესაბამისად (საქართველოს მთავრობის 17.12.2013 წლის N340 დადგენილებით დამტკიცებული წესების 78-ე მუხლის მე-2 პუნქტის მოთხოვნა); 4 მეტრი სიმაღლის ხარაჩოების ექსპლუატაცია დასაშვებია ბრიგადის მწარმოებლის ან ბრიგადის ხელმძღვანელის მიერ მათი მიღების და სამუშაოების წარმოების რეგისტრაციის ჟურნალში მათი რეგისტრაციის შემდეგ, ხოლო 4 მეტრზე მეტი – მიმავლინებული საწარმოს ხელმძღვანელის ბრძანებით დანიშნული კომისიის მიერ მიღების და სათანადო აქტის შედგენის შემდეგ. ხარაჩოები ექსპლუატაციის პროცესში უნდა მოწმდებოდეს მიმავლინებული საწარმოს ბრიგადის მწარმოებლის ან ბრიგადის ხელმძღვანელის მიერ, ყოველდღიურად მომსახურების გაწევის დაწყების წინ, აგრეთვე ყოველ 10 დღეში ერთხელ სათანადო ჟურნალში გატარებით; საკიდი ხარაჩოების ექსპლუატაცია დაიშვება მხოლოდ მათი 1 საათის განმავლობაში სტატიკური დატვირთვით გამოცდის შემდეგ, რომელიც ნორმატიულს უნდა აღემატებოდეს 20%-ით. გამოცდის შედეგები უნდა აისახოს მათი მიღების აქტში ან სამუშაოთა საერთო ჟურნალში. ასაწევი ხარაჩოები გარდა აღნიშნულისა, უნდა იყოს გამოცდილი დინამიურ დატვირთვაზე, რომელიც აღემატება ნორმატიულზე 10%-ით მეტით. დაუშვებელია ხარაჩოების გადაადგილება ქარის 10 მ/წ-ზე მეტი სიჩქარის დროს; აკრძალულია მოხარაჩოების რაიმე საშუალებების დაყენება (მიმაგრება) დამონტაჟებულ, მონტაჟის სტადიაში მყოფ ან დასამონტაჟებლად გამზადებულ კონსტრუქციებთან, თუ ამას არ ითვალისწინებს სამუშაოთა წარმოების პროექტი ან არ არის დადასტურებული საპროექტო საწარმოსთან შეთანხმებული ანგარიშით; დატვირთვა ხარაჩოების ფენილებზე არ უნდა აღემატებოდეს სამუშაოთა წარმოების პროექტით ან ტექნიკური პასპორტით დადგენილ სიდიდეებს;

18. მანქანა-მექანიზმების გამოყენებით მომსახურების გაწევისას, აუცილებლად უნდა გაიცეს განწესი, დაინიშნოს უსაფრთხოების V (მეხუთე) ჯგუფის მქონე ბრიგადის ხელმძღვანელი (რომელსაც ინსტრუქტაჟის უტარებს განწესის გამცემი და დამშვები),

ელექტრონული ტენდერი სს „სსე“-ს რეაქტორების გადაზიდვის მომსახურების შესყიდვაზე.

განისაზღვროს უსაფრთხოების ორგანიზაციულ-ტექნიკური ღონისძიებები და სათანადოდ მომზადდეს მომსახურების გაწევის ადგილი. მომსახურების გაწევაში მონაწილე ყველა ამწე-სატრანსპორტო საშუალება, მანქანა-მექანიზმი, ტვირთამწე მანქანები, სატაკელაჟო მოწყობილობები, ბაგირები, ჯალამბარები, უნდა იყოს მუშაობისათვის ვარგისი, გამართული და შემოწმებაგავლილი/გამოცდილი. ელექტროსადენების ქვეშ გავლის შემთხვევაში ტვირთამწე მანქანებისა და მექანიზმების ამწევი და გამოსაწევი ნაწილები უნდა იმყოფებოდეს სატრანსპორტო მდგომარეობაში. აკრძალულია ტვირთამწეების და მანქანა-მექანიზმების დაყენება და მუშაობა 0,4 კვ-დან 35 კვ ჩათვლით ძაბვის ქვეშ მყოფი სეგზ-ის ან/და სალტეების (შლეიფების) სადენების ქვეშ. ღამ-ში/სეგზ-ის დაცვის ზონაში ძაბვის მოუხსნელად ნებისმიერი სამუშაოს შესრულებისას (მომსახურების გაწევისას) ავტომობილები, ტვირთამწე მანქანები და მექანიზმები უნდა დამიწდეს. დამიწების დაყენებამდე აკრძალულია ავტომობილების (ტვირთამწე მანქანების, მექანიზმების) კორპუსზე შეხება და მათი სამუშაო ორგანოს, ტვირთსაჭერი სამარჯვების და საყრდენი დეტალების გადაადგილება. აკრძალულია ტვირთამწე მანქანებისა და მექანიზმების მუშაობისას ასაწევი ტვირთის, ტელესკოპური კალათის ქვეშ, აგრეთვე დასაჭიმი სადენების (გვარლების), საბრჯენების, სამაგრების და მომუშავე მექანიზმების უშუალო სიახლოვეს (5 მ-ზე ახლოს) ადამიანების ყოფნა. ბრიგადის ხელმძღვანელმა ინსტრუქტაჟი უნდა ჩაუტაროს მწარმოებელს, მეთვალყურეს და ბრიგადის წევრებს. მანქანა-მექანიზმები უნდა განლაგდეს ისე, რომ არ შეეხოს და არ დააზიანოს ობიექტის ტერიტორიაზე არსებული სხვადასხვა მიწისქვეშა/მიწისზედა კომუნიკაციები. მივლინებული პირების მიერ ობიექტის ტერიტორიაზე მომსახურების გაწევა სხვადასხვა სახის ამწე მანქანებით და გამოსაწევ ნაწილებიანი მექანიზმებით, სატაკელაჟო მოწყობილობებით დასაშვებია იმ პირობით, რომ მანქანის/მოწყობილობის ან მისი გამოსაწევი ან ამწევი ნაწილიდან, ასევე მისი მუშა ორგანოდან ან ნებისმიერ მდგომარეობაში მყოფი ასაწევი ტვირთიდან (მათ შორის, მაქსიმალურად აწეული ტვირთით ან ისრით) ძაბვის ქვეშ მყოფ უახლოეს სადენამდე, არ იქნება ცხრილი #1-ში მითითებულ მანძილებზე ნაკლები. ამასთან, განწყისის გამცემმა წინასწარ უნდა განსაზღვროს მომსახურების გაწევის არეალში არსებული ელექტროდანადგარების/ეგზ-ების გამორთვის და დამიწების საჭიროება.

ცხრილი 1. დასაშვები მანძილები ძაბვის ქვეშ მყოფი ელექტროგადამცემი ხაზის/ელექტროდანადგარის დენგამტარ ნაწილებამდე მანქანა-მექანიზმების, მოწყობილობების და ტვირთების შემთხვევაში:

მაღალი ძაბვის ეგზ-ს ძაბვა, კვ	მანძილი, მ	
	ნომინალური	მინიმალური, ტექნიკური საშუალებებით გაზომვადი
1-მდე	1,5	1,5
1-დან 20-მდე	2,0	2,0
20-დან 35-მდე	2,0	2,0
35-დან 110-მდე	3,0	4,0
110-დან 220-მდე	4,0	5,0
220-დან – 400-მდე	5,0	7,0
400-დან – 750-მდე	9,0	10,0

19. ობიექტზე მომსახურების გაწევისას, ასევე მასალების დასაწყობებისას და მოწყობილობა-დანადგარების განთავსებისას აკრძალულია ადამიანების მიახლოება ძაბვის ქვეშ მყოფი ელექტროდანადგარების/ელექტროგადამცემის ხაზების შემოუღობავ დენგამტარ ნაწილებთან ცხრილი #2-ში მითითებულ მანძილზე ახლოს:

ცხრილი 2. დენგამტარ ნაწილებამდე მიახლოების დასაშვები მანძილები ადამიანების შემთხვევაში

ძაბვა, კვ		მანძილი ადამიანებიდან და მათ მიერ გამოყენებული იარაღებიდან, სამარჯვებიდან, დროებითი შემოღობვებიდან (მ)
1- მდე	სეგზ-ზე	0,6
	დანარჩენ ელექტრო დანადგარებში	არ ნორმირდება (შეხების გარეშე)
1-35		0,6
110		1,0
150		1,5
220		2,0
330		2,5
400-500		3,5

20. ობიექტის ტერიტორიაზე ელექტროგადამცემი ხაზების დაცვის ზონაში/ელექტროდანადგარებში დაზიანების შემჩნევის შემთხვევაში, მუშაკი დაზიანების ადგილს არ უნდა მიუახლოვდეს 8-10 მეტრის მანძილზე, რათა არ მოხდეს ბიჯური ძაბვის ზონაში. ბიჯური ძაბვის ზონაში მოხვედრის შემთხვევაში მუშაკმა ბიჯური ძაბვის ზონიდან გამოსვლა უნდა განახორციელოს მოკლე ნაბიჯებით ფეხის ტერფების ერთმანეთისგან მოუცილებლად 8-10 მეტრის მანძილზე;

21. მომსახურების გაწევის ადგილის მიმდებარედ მოქმედ ელექტროდანადგარებში/ეგზების დაცვის ზონაში ელექტროუსაფრთხოების უზრუნველყოფის ტექნიკური ღონისძიებები (საჭიროების შემთხვევაში, დისპეტჩერული განაცხადების გადაცემა და ელექტროდანადგარების გამორთვების ჩატარება დადგენილი წესით, ძაბვის არარსებობის შემოწმება, გადასატანი დამიწების დადება, შემოღობვა, პლაკატების ჩამოკიდება და სხვა) უნდა შესრულდეს: არანაკლებ IV (მეოთხე) ჯგუფის მქონე მორიგე-ოპერატიული პერსონალის მიერ, სამუშაო ადგილის მომზადებასა და დაშვებაზე ზემდგომი ოპერატიული პერსონალის სავალდებულო განკარგულებით/ნებართვით. ამასთანავე, ქ/ს-ის ტერიტორიაზე მომსახურების გაწევის ადგილზე მანქანა-მექანიზმების დამიწებაზე პასუხისმგებლობა ეკისრებათ აგრეთვე, მივლინებულ პირებს.

22. მომსახურების გაწევისას მუშაკებმა უნდა დაიცვან სახიფათო ზონების საზღვრები, რომელთა ფარგლებში შესაძლებელია საფრთხის წარმოქმნა საგნების ჩამოვარდნასთან დაკავშირებით, ცხრილი #3-ის შესაბამისად:

ცხრილი 3. სახიფათო ზონების საზღვრები

საგნის შესაძლო ჩამოვარდნის სიმაღლე, მეტრი	ტვირთის გადაზიდვის ადგილებთან ახლოს მანქანებით გადაადგილებული ტვირთის მაქსიმალური გაბარიტის ტრაექტორიის ჰორიზონტალური პროექციიდან), მეტრი	მოქმედი/მშენებარე შენობა-ნაგებობების ახლოს (მისი გარე პერიმეტრიდან), მეტრი	დასანგრევია (სადემონტაჟო) შენობა-ნაგებობის ახლოს (მისი გარე პერიმეტრიდან), მეტრი
10 მ-მდე	4	3,5	7
20 მ-მდე	7	5	10
20-დან 70 მ-მდე	10	7	14

23. ქ/ს-ის ტერიტორიაზე სამუშაო დღის განმავლობაში შესვენების დროს (შესვენება სადილზე, მუშაობის პირობებით გამოწვეული შესვენება და სხვა) ბრიგადა გამოყვანილი უნდა იქნას მომსახურების გაწევის (სამუშაო) ადგილიდან. ბრიგადის წევრებს შესვენების შემდეგ უფლება არა აქვთ ბრიგადის მწარმოებლის (მეთვალყურის) გარეშე დაბრუნდნენ

მომსახურების გაწევის ადგილზე. შესვენების შემდეგ დაშვებას ახორციელებს ბრიგადის მწარმოებელი (მეთვალყურე) განწესში გაუფორმებლად. მომსახურების გაწევის დაწყებამდე და დაწყების შემდგომ, ასევე შესვენებისას და დამთავრებისას ბრიგადის წევრებს, ბრიგადის ხელმძღვანელს, მწარმოებელს (მეთვალყურეს) ეკრძალებათ შემოღობილი ადგილის (სამოქმედო არეალის) გარეთ არსებული ელექტროდანადგარების/ელექტროგადამცემი ხაზების საყრდენებზე და სხვა კონსტრუქციებზე ასვლა; ასევე, ღია, დახურულ, კომპლექტურ გამანაწილებელ მოწყობილობებში და სხვა ტექნოლოგიურ სათავსოებში შესვლა;

24. ქვესადგურში სამუშაო დღის დამთავრებისას ბრიგადა უნდა გავიდეს სამოქმედო არეალიდან (მომსახურების გაწევის ადგილიდან). უსაფრთხოების პლაკატები, დროებითი შემოღობვები, ალმები არ იხსნება. მომსახურების გაწევის ღონისძიებების დროებით შეწყვეტას ბრიგადის მწარმოებელი (მეთვალყურე) აფორმებს განწესის თავის ეგზემპლარში ხელის მოწერით. მომდევნო დღეებში ბრიგადის მწარმოებელს (მეთვალყურეს) მომზადებულ ადგილზე შეუძლია დაუშვას ბრიგადა დამშვების ნებართვით თუ მას ეს ევალება განწესის “ცალკეული მითითებების” სტრიქონში ჩანაწერით. მეორე დღეს მომსახურების გაწევის განახლებისას ბრიგადის მწარმოებელი (მეთვალყურე) უნდა დარწმუნდეს დატოვებული უსაფრთხოების პლაკატების, დროებითი შემოღობვების, ალმების სიმრთელესა და ხელუხლებლობაში, ასევე მუშაკებისათვის აუცილებელი ყველა სახის დამცავი აღჭურვილობის, მანქანა-მექანიზმების, ჯალამბარების არსებობაში/გამართულობაში და მხოლოდ ამის შემდეგ დაუშვას ბრიგადა მომსახურების გასაწევად. დაშვება, რომელსაც ახორციელებს ელექტროტექნიკური/ოპერატიული პერსონალი, ფორმდება განწესის ორივე ეგზემპლარში, ხოლო დაშვება, განხორციელებული ბრიგადის ხელმძღვანელის ან მწარმოებლის (მეთვალყურის) მიერ ფორმდება განწესის იმ ეგზემპლარში, რომელიც ინახება ბრიგადის მწარმოებელთან (მეთვალყურესთან);

25. ქვესადგურში მომსახურების გაწევის სრულად დამთავრების შემდეგ ბრიგადის მწარმოებელმა (მეთვალყურემ) უნდა გაიყვანოს ბრიგადა მომსახურების გაწევის არეალიდან, მოხსნას მხოლოდ ბრიგადის მიერ დაყენებული დროებითი შემოღობვები, უსაფრთხოების გადასატანი პლაკატები, ალმები და განწესში გააფორმოს მომსახურების გაწევის დამთავრება ხელის მოწერით. ბრიგადის ხელმძღვანელმა მომსახურების გაწევის ადგილის შემოწმების შემდეგ განწესში უნდა გააფორმოს მომსახურების გაწევის დამთავრება. ბრიგადის მწარმოებელი (მეთვალყურე) გაფორმებულ განწესს აბარებს დამშვებს, მისი არ ყოფნის შემთხვევაში კი განწესის გამცემს. ამასთან, ღონისძიებათა დამთავრების შესახებ სავალდებულოდ უნდა ეცნობოთ სს „საქართველოს სახელმწიფო ელექტროსისტემის“ სხვა შესაბამის წარმომადგენლებსაც. გაფორმებული და დახურული განწესის დედნები საბოლოოდ ინახება ქვესადგურის განწესების საქაღალდეში.

26. ქ/ს „ზესტაფონი-500“-დან ქ/ს „გარდაბანი-500“-ში სატრანსპორტო გადასაზიდი საშუალებით რეაქტორების (არაგაბარიტული ტვირთის) გადატანა წინასწარ შეთანხმებული უნდა იქნას შესაბამის უწყებებთან. გადაზიდვა უნდა განხორციელდეს საგზაო მოძრაობის უსაფრთხოების წესების განუხრელი დაცვით, შესაბამისი ორგანიზაციულ-ტექნიკური ღონისძიებების წინასწარი გატარების პირობებში. მომსახურების გამწევი ვალდებულია წინასწარ მოიძიოს ინფორმაცია დაგეგმილი გადაზიდვის მთელს სიგრძეზე (ქ/ს „ზესტაფონი-500“ – ქ/ს „გარდაბანი-500“) მოძრაობის უსაფრთხოების პირობების შესახებ. ვალდებულია გაითვალისწინოს და სათანადო უწყებებთან შეთანხმებით აღმოფხვრას რეაქტორების უსაფრთხო გადაზიდვასთან შეუსაბამო ყველა ის გარემოება, რომელიც შესაძლოა არსებობდეს ან წარმოიქმნას საავტომობილო გზაზე რეაქტორების გადაზიდვის მთელს სიგრძეზე. ამასთან, რეაქტორების გადაზიდვამდე მომსახურების გამწევი ვალდებულია წინასწარ მონიშნოს და როგორც სსე-სთან, ასევე შესაბამის დაინტერესებულ პირებთან წინასწარ შეთანხმდეს გადაზიდვის მთელს სიგრძეზე არაგაბარიტული ტვირთის

გადამზიდავი ავტოსატრანსპორტო საშუალებების შესვენების, საწვავით შევსების ადგილები, დრო, ხანგრძლივობა, ტვირთის დაცვისა და უსაფრთხოების ადგილობრივი პირობები;

27. რეაქტორების გადაზიდვა უნდა განხორციელდეს ტექნიკურად გამართული ავტოსატრანსპორტო საშუალებების გამოყენებით. სატრანსპორტო გადასაზიდი საშუალებების ტექნიკური მდგომარეობა უნდა შეესაბამებოდეს საგზაო მოძრაობის წესების მოთხოვნებს. მომსახურების გამწევი ცალსახად და ერთმნიშვნელოვნად პასუხისმგებელია საგზაო მოძრაობაში მონაწილე სატრანსპორტო გადასაზიდი საშუალებების ტექნიკურ გაუმართაობაზე, ასევე, აღნიშნულის ან/და ავტოსატრანსპორტო საშუალების არასწორი ექსპლუატაციის შედეგად ან/და მძღოლების ბრალეულობით წარმოქმნილი ნებისმიერი ზიანის/ზარალის სრულ, უპირობო და დაუყოვნებლივ ანაზღაურებაზე;

28. რეაქტორების გადაზიდვამდე მომსახურების გამწევი ვალდებულია უზრუნველყოს მძღოლის წინასარეისო სამედიცინო შემოწმება და მძღოლის ჯანმრთელობის მდგომარეობისა და სიფხიზლის შესაბამისობა მოქმედი კანონმდებლობის მოთხოვნებთან. მძღოლებმა თან უნდა იქონიონ შესაბამისი კატეგორიის მართვის მოწმობები, ავტოსატრანსპორტო საშუალებების სარეგისტრაციო მოწმობები, ტვირთების გადაზიდვის საბუთები, რომლითაც უფლება ექნებათ განახორციელონ შესაბამისი ავტოსატრანსპორტო საშუალებების მართვა და რეაქტორების გადაზიდვა. რეაქტორების გადაზიდვისას მომსახურების გამწევი აგრეთვე ვალდებულია დაიცვას საქართველოს კანონმდებლობით დადგენილი მძღოლის შრომისა და დასვენების რეჟიმი. ვალდებულია უზრუნველყოს სათანადო მძღოლების არსებობა და მათი შენაცვლება მოქმედი კანონმდებლობით დადგენილ დროში. აგრეთვე, იმ შემთხვევაშიც, თუკი მძღოლი თავს იგრძნობს შეუძლოდ ან/და აღმოჩნდება სატრანსპორტო საშუალების უსაფრთხო ექსპლუატაციისათვის შეუსაბამო მდგომარეობაში (ალკოჰოლური, ნარკოტიკული, ფსიქოტროპული ნივთიერებების ზემოქმედების ქვეშ, გადაღლილი და სხვა) ან იმ სამკურნალო პრეპარატების ზემოქმედებისას, რომლებიც აქვეითებს რეაქციას და ყურადღებას, ანდა ავადმყოფობისას, რაც ქმნის მოძრაობის უსაფრთხოების საშიშროებას;

29. მძღოლს ეკრძალება სატრანსპორტო საშუალების მართვისას ისარგებლოს მობილური კომუნიკაციის საშუალებით. აღნიშნული აკრძალვა არ ვრცელდება იმ შემთხვევებზე, როდესაც მძღოლი სარგებლობს მობილური კომუნიკაციის საშუალების ყურსასმენით ან მობილური კომუნიკაციის ხმამაღალი (ან დისტანციური) საუბრის ფუნქციით და ორივე ხელი აქვს სატრანსპორტო საშუალების საჭესა და სიჩქარეთა გადამრთველზე;

30. რეაქტორების გადაზიდვამდე მომსახურების გამწევი ვალდებულია სატრანსპორტო გადასაზიდი საშუალებები (მძღოლები) აღჭურვოს ტრანსპორტისათვის საჭირო სათანადო საპოხი და სათანადო მასალებით, აუცილებელი ხელსაწყოების და ქანჩების ნაკრებით, პირველადი გადაუდებელი დახმარების ნაკრებით (შესაბამისი ვარგისი წამლებით და სამედიცინო საშუალებებით შევსილი სამედიცინო ჩანთით), ხანძარქრობის პირველადი საშუალებებით (ცეცხლმაქრებით), კავშირგაბმულობის საშუალებებით, საკვების და სასმელი წყალის აუცილებელი მარაგით;

31. რეაქტორების გადასაზიდი თითოეულ ავტოსატრანსპორტო საშუალებას უნდა მიაცილებდეს სულ მცირე ერთი მსუბუქი ავტომანქანა, რომელის ეკიპაჟიც საჭიროების შემთხვევაში ადგილობრივი პირობების შესაბამისად წინასწარ უზრუნველყოფს ყველა შემაფრთხილებელი გარემოების ზემოქმედების მინიმუმამდე შემცირებას, ტვირთის უსაფრთხოებას და მის შეუფერხებელ გადაადგილებას დანიშნულების ადგილამდე.

5. ფასთა ცხრილი

პრეტენდენტის მიერ უნდა შეივსოს ქვემოთ მოცემული ფასთა ცხრილის ფორმა ტექნიკური დავალებაში მითითებული პირობების გათვალისწინებით.

პრეტენდენტის დასახელება _____

სატენდერო წინადადების ღირებულება წარმოდგენილი უნდა იყოს ლარში დღგ-ს გარეშე.

№	გასაწევი მომსახურების დასახელება	ღირებულება (ლარი) დღგ-ს გარეშე
1	2	4
1	პირველი ეტაპი: ქ/ს „ზესტაფონი 500“-ში <u>3 ცალი</u> 500კვ. რეაქტორის და მათი მაკომპლექტებული ნაწილების დატვირთვა სპეციალურ ტექნიკაზე ტრანსპორტირება (გადატანა) და გადმოტვირთვა დალაგება ქ/ს „გარდაბანი 500“-ის ტერიტორიაზე.	
2	მეორე ეტაპი: ქ/ს „გარდაბანი-500“-ში არსებული <u>5 ცალი</u> რეაქტორის დატვირთვა სპეციალურ ტექნიკაზე გატანა უჯრედიდან და გადმოტვირთვა, დალაგება ქვესადგურის ტერიტორიაზე.	
3	მესამე ეტაპი: ქ/ს „გარდაბანი 500“-ის ტერიტორიაზე <u>3 ცალი</u> 500კვ. რეაქტორის დატვირთვა სპეციალურ ტექნიკაზე გადატანა და გადმოტვირთვა დადგმა რელსებზე რეაქტორების უჯრედში ქვესადგურის ტერიტორიაზე.	
გადაზიდვა გადატანის მომსახურების მთლიანი ღირებულება		

შენიშვნა:

- მიმწოდებელმა მომსახურება უნდა განახორციელოს საკუთარი რესურსით (ტრანსპორტი, საწვავი, კვალიფიციური პერსონალი).
- გადაზიდვის მომსახურების მთლიანი ღირებულება, ითვალისწინებს ყველა ხარჯს: მათ შორის დაზღვევის ხარჯს, საწვავის ხარჯს და მოქმედი კანონმდებლობით გათვალისწინებული ყველა გადასახადებს.

პრეტენდენტის ხელმოწერა -----

ბ.ა.

6. სატენდერო დოკუმენტაციის შესახებ ინფორმაცია:

6.1 აღნიშნულ ტენდერში შესაძლებელია მხოლოდ ერთი გამარჯვებულის გამოვლენა.

6.2 ელექტრონულ სისტემაში ატვირთული პრეტენდენტის წინადადება უნდა შეიცავდეს შემდეგ დოკუმენტებსა და ინფორმაციას:

6.2.1 შევსებული ფასთა ცხრილის ფორმა (დანართი №1).

6.2.2 არის თუ არა კომპანია რეგისტრირებული დღგ-ს გადამხდელად.

6.2.3 პრეტენდენტს უნდა გააჩნდეს მომსახურების გაწევისათვის აუცილებელი ტექნიკური შესაძლებლობები, რაზეც უნდა წარმოადგინოს ინფორმაცია: პერსონალის, სატრანსპორტო საშუალებების და დატვირთვა გადმოტვირთვისათვის საჭირო მოწყობილობების შესახებ.

6.2.4 წარმოდგენილი უნდა იქნეს ინფორმაცია არანაკლებ სამი ანალოგიური მომსახურების შესახებ გაწეული 2012-2016 წლებში (კომპანიების და მომსახურების ვადების მითითებით).

6.2.5 თანხმობა სატენდერო დოკუმენტაციის მე-2 მუხლის 2.1 პუნქტით განსაზღვრულ მომსახურების გაწევის ვადაზე.

6.2.6 თანხმობა სატენდერო დოკუმენტაციის მე-3 მუხლის 3.1 პუნქტით განსაზღვრულ ტექნიკურ პირობებზე.

6.2.7 ინფორმაცია (მოთხოვნა) ავანსის საჭიროების შესახებ (არაუმეტეს 30%-ისა). იმ შემთხვევაში თუ პრეტენდენტის მიერ არ იქნება ატვირთული ინფორმაცია ავანსის მოთხოვნის შესახებ ჩაითვლება, რომ პრეტენდენტი არ ითხოვს ავანსს და საავანსო თანხა არ იქნება გათვალისწინებული ხელშეკრულებაში”.

6.2.8 პრეტენდენტის რეკვიზიტები: მისამართი, საიდენტიფიკაციო კოდი, საბანკო რეკვიზიტები, ტელეფონის ან/და ფაქსის ნომრები.

6.3 ხელშეკრულებაში გამოყენებული იქნება ხელშეკრულების შესრულების საგარანტიო უზრუნველყოფა, საბანკო გარანტია, სახელშეკრულებო ღირებულების 2%-ის ოდენობის, რომელიც წარმოდგენილი უნდა იყოს ხელშეკრულების გაფორმებამდე, მისი მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას. ხოლო იმ შემთხვევაში თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალი იქნება შესაბამისი ტენდერის შესყიდვის ობიექტის სავარაუდო ღირებულებაზე ხელშეკრულებაში გამოყენებული (მოთხოვნილი) იქნება ხელშეკრულების შესრულების საგარანტიო უზრუნველყოფა, საბანკო გარანტია, სახელშეკრულებო ღირებულების 5%-ის ოდენობით.

6.4 სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურები განისაზღვრება სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული წესის მე-6 მუხლის შესაბამისად.

6.5 ყველა სავალდებულო ინფორმაცია და დოკუმენტაცია წარმოდგენილი უნდა იყოს ქართულ ენაზე. უცხო ენაზე წარმოდგენილ ყველა დოკუმენტს და ინფორმაციას თან უნდა ახლდეს ნოტარიულად დამოწმებული თარგმანი ქართულ ენაზე.

6.6 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

6.7 ალტერნატიული სატენდერო წინადადება არ დაიშვება.

7.საკონტაქტო ინფორმაცია

გამარტივებულ ელექტრონულ ტენდერთან დაკავშირებით ინფორმაციისათვის და განმარტებებისათვის შეგიძლიათ მიმართოთ სატენდერო კომისიის აპარატის წევრებს:

გიორგი გიორგაძე ტელ; 298 98 16, მობ: 577 23 23 55,

ელ. ფოსტა: giorgi.giorgadze@gse.com.ge

ლევან ნაჭყებია მობ: 577 240 273, ელ. ფოსტა: levan.nachkebia@gse.com.ge

მანანა ამაღლობელი მობ: 577 755430, ელ. ფოსტა: manana.amaghlobeli@gse.com.ge